

Woferr dess scheene Wedder gut iss

Omm Sunndaach hawwe merr omm Stommdisch iwwer dess scheene Wedder geschwätzt, was merr grad hawwe. Mir warn uns oonisch, dass merr joo nitt vergesse soll, dasses emol reeschene misst, awwer aach doodriwwer, dass merr sich die Freid onn so emm scheene Wedder nitt nemme losse soll.

Moont de Schorsch: Dess Scheene onn dene Daache mettem blaue Himmel wie jetz iss, dass merr widder mol sehe kann, wie die Sunn unnergieht.

Ja, sät de Karl, isch habbs aach gedenkt, awwer wie isch gestern so geesche dreiverrdel siwwe mol e paar Schritt hinner ins Feld gonge bin, doo war se schunn eweck.

De Schorsch druff: Die kommend Woch mussde gieh, Karl, jetz, noochdem die Uhr e Stund vorgestellt worrn iss, bleibt die Sunn uns owends e Stund länger erhalte. Awwer merr muss aach Glick hawwe, weil so enn Sunneunnergong dauert joo nor oons, zwaa Minutte, grad siehde die Sunn noch unn schunn isse verschwunne. Letzt Woch, omm Dinsdaach, bin isch mettem Audo so geesche halb siwwe von Hadderschem her kumme unn doo isse grad unnergonge, rot unn riesegroß iwwer dene Bersche im Wesde. Isch bin de erst longsom gefahrn, awwer weil hinner mir e paar Audos kumme sinn, bin isch uff die Seit, habb gehalle unn habb zugeguckt. Unn als die Sunn dann verschwunne war habb isch gedenkt, was iss dess doch ferr e schee Sach, dass weit eweck von unserne Erd so enn Stern erumhängt unn uns bescheine unn wärme dut.

De Karl hott genickt. Ess sieht joo immer aus, als det die Sunn rund um die Erd laafe. Debei bleibt se stieh unn die Erd dreht sisch. Warum heert dess nitt uff? Wenn isch enn Dobbsch kreisele loss, donn dauerts nitt long unn der heert uff sisch ze drehe unn fällt um. Awwer die Erd dreht sisch als weider unn dess schunn seit e paar Milliarde Johr.

Isch saach: Ess iss e Wunner, unn ess iss aach e Wunner, dass die Sunn su long schunn ihr Wärm uff die Erd bringe dut, unn es soll noch 5 Milliarde Johnn dauern, bis dere dess Lisch ausgieht.

De Karl war e bissi noochdenklisch, dann moonderr: Wissderr, merr sollt doch ab unn zu emol onn su ebbes denke, dess iss doch großardisch, was die Sunn ferr unser Erd bedeut. Unn wenn merr dann noch Bilder sieht, wie se die Amis doomols vom Mond aus gemacht hawwe, wie unser Erdkuchel blau unn weiß unn gonz alloo in dem kalde, schwarze Weltraum hängt, unn wenn merr dann waaß, wie unser Wasser und die Wälder unn die Luft so longsom kabutt gemacht werrn, weil jeder in de Welt moont, wenn ich se nitt kabutt mach, dann mächts enn onnern. Doo kennt merr doch monchmol denke, die Mensche hädde koon Verstand. Odder?

De Schorsch hott die Achsele gezuckt unn hott misch oogeguckt, awwer isch habb aach mette Achsele gezuckt, isch wusst aach nix druff ze saache.

Also hott de Karl gesaat: Isch denk merr, dass zu wenisch Leit sich iwwer so was unerhalle dun. Wer sich Gedonke mächt, wie alloons mir im Weltall sinn unn dass merr koo zweit Erd in petto hawwe, dass mir unn all die nächsde Generatione nor oo oonisch Erd hawwe, mett Wasser unn Eis unn Wald unn Äcker unn Diern unn Mensche, der det villeicht e bissi mehr uff die Nadur achtgewwe unn det se erhalte unn nitt ausbeute.

Ich saach: Woferr dess scheene Wedder doch gut iss. Nämlich dass merr ab unn zu emol gucke dut wie die Sunn unnergieht unn sisch doodenooch Gedonke mächt iwwer Sache, die oom sunnst nitt in de Sinn kumme.

Eiern Honnes